

Qusquqvak Qaunqelluku Suulutaarcurlia umegluku

Donlin-aaq akeqnerlugutnguuq neqemtenun,
mikelnurnun, yuuyaramtenun. Kuigput
neqput-llu qununarqenruut suulutaami!



Protect the Water. Protect the Fish.

Cauga Aarnarqucia?

Donlin-aaq kiingan elagaunrituq. Angenqurruarkauluni nunai elagalriani, amllertut caarkai, paacat kepsuinateng asgularciqut, cetuluteng-llu qusquqvagkun, cali cuplumeq nunam qaingani elliarkat yuinaat akimiaret cipluki nunamta qaingakun akmaken. **Qaillun agtumaciqat yuut maani kuigpiim qusquviiim iluani?**

- Atullrit ciqitat maanciiqut nunamteni. Yuinaat cetaman tiissicaat cavigkaq elaumaciqut unuaquaqaan, elagallret-llu teggalkum mer'a tuqunaqluni.
- Paacat kepsuinateng kiatmun, uatmun-llu ayalriit, neqet , qusuuret-llu picurlagcecicqait, userqelluku-llu ce'aaq.
- Pneryaalput, merput, nunaput, ayuquciput-llu agtuumaciqut. Al'tuutaq tuqunarqellria-llu mermi, nunami, neqni-llu arenqiallugutnguuq arnanun, qingalrianun, mikelnurnun-llu.
- Arvinlegen tiissicaat cipluku nunaunret cagmarciqut wall' makurarcimaciqut.
- Cupluq taktuaq tumkiuqateggu nuna amllaq makurciqut, nunam acia urugluni neqet-llu qurrsarait navgumaluteng.

Council-aat Nunacuarmiut-llu Piniliumanrita

Yup'ut ak'a taqumariut. Amlleret qaqiutellruut iganeq inglulirluku una Donlin-aaq, **qula cipluku nunacuaraat, YKHC-iiq, AVCP-mek, National Congress of American Indians allat-llu amlleret.** Cingumanrilengraatni, ukuk Anguyagta State-aq-llu niicugnirituk pamavkenatek-llu. Anguyagta pitarrluku caliyugtut.

"Murilkellrit irviristet caliut taugaam uum al'tuutam, tuqunarqellriit maa-i paivtellriit maani Kuigpiim Qusquviiim-llu iluani yuinaat talliman allrakut tekiskateggu, tutgaraput yuungnaqkata, arulairtenrilkumteki neqet arenqiallugcimaciqut yuungnaqellrat maani."

- Y-K Health Corporation Resolution No. 16-04-04

"Picurlagyaalkucet maligtaqungraata, arenqiallugtarkat amllertut yuum alartellerkaa elagpakuneng, tangrruaryugngaaput arenqiallugpagtellerkaq qusquviiim neqainun ungunssinun-llu yugnun-llu tamailkuita qusquqvagmi yuungnaqellriit arenqiallugeskan." - AVCP Resolution 19-09-10

*Ciin makumiungunrilngurnun akissuraralrianun
navgurecetaarceta nuna meq-llu?*

*Canada'am company-ri akiutiaruskan, Alaska-q
makumiut-llu auluksarauciqaa caarrluk,
navgumalria, kitugtellerka-llu.*




Uitaurpeknaci

Nunaput ak'a cimirtuq-elagpagyulria arcariciqaa nuna eksullra, matneq, nunam urullra, ustella ulesqillra, cimillra neqet piaraat.

Ilalirkit State-aq Anguyagtem-llu calistai eguaqullemteki yuut piyuitait nallunguarpeknaki, yuut atulameggeggu aulukluku-llu nuna meret-llu. Donlin-aaq navvkarpeknaku!

tarenraa qanercuutevkun sign-aryugngaana kalikaq ingluliuurun



www.NoDonlinGold.org

Taringevsiaryukuvgu: www.NoDonlinGold.org


Qaill' angtaa Donlin-aaq?

Al'tuutaq

Al'tuutaq cailkamun piarka qai'll' amlertacia nallunaruq neqnun yugnu-llu arenqiallugpauyugngauc.

Al'tutam navguryugnga piipim wall' mikelnguuum patra assiringaunani-llu

Al'tuutaq tegumalria, yuinaq tiissicaanek cipluku, Mamterillermun ayaucimaciquq, qusquqvagnun aarnarqeciquq.



Elakainauringuuguq

Yuinaat talliman pingayunek cipluku, cupluq

Yuinaak malruk cipluku kuiggaaraat, kuimret-llu agtuumaciquq

Tiissicaat arvenlegen cipluku nunakiunret makurarcimaciquq wall' navgumaluteng

Yuinaat talliman arvinlegnek cipluku kuiggaaraat cuplum qerarciqai-yuinaat malrunlegen cipluku neqet irniviit.

Yuinaq qula malrugnek cipluku kuiggaaraat nutem navguumaciquq

Talliman miilicaat cipluku usperet elallrit ellimaciquq nunamun yuinaat talliman cetamanek cipluku casum tunuanun-arenqiallugutii angtaicaiquq.

Malruk agnerek angtaicia elallrem, paluskateggu mermek imangeciquq tuqunarqellriamek

Amlleq al'tuutaq tuqunariq-llu

Paacat kepsuingateng asgurluteng cetuluteng-llu